

# ООН-а Генеральн Ассамблейин XIV сессий Генеральн комитетд

НЬЮ-ЙОРК, (ТАСС). Ноябрьн 23-д ООН-а Генеральн Ассамблейин Генеральн комитетин заседань болъ. Эн заседань, сессийд халэгдх төрмүдин тоод невр пункт — саак «Венгрин туск төр» оруулгъна тускар америкин делегацин орулдж өгсн селвг халэлгънә төлә бачм хурагд-смн.

Заседаньд пугаснь түрүн болдж США-н элч Лодж босдж үг кель. Сессийд халэгдх төрмүдин тоод эн «төриг» оруулгъна тускар комитет Генеральн Ассамблейд селвг орулдж өгтхә гидж америкин делегат зүйтк-дг болвчи, ямаран болвчи ицлтгә нег чигн үг келдж чадсн уга. Тер зуг, венгрин төрин тускар бәәдг, ООН-н шишлнь элч Л. Мунро, ООН-н Генеральн селләртт бичсн бичгәр болн модьрун кевәр Ассамблейд 13-ч сессий деернь күчәр авгдсн шишдврмүдәр ишлдж кель.

Дарунь, комитетин заседаньд дуудилддж архулгдсн, Венгрин Олн әмтнә Республикин делегат Я. Петерд үг өггдв. Ода уга болджах эн төриг Ассамблейд күчнәс күүндврт орулхар седлгънә өмнәс тер төрүц нег мөслдж бурушав. Халэгдх төрмүдин тоод орулдж өггдсн пункт, «киитн дәәнә цаг хәрү өргдг эклджәхиг болн нуувчинәр кегч әвдритин үүлдврмүдиг үдрдәджәхиг медүлджәнә», — гидж Я. Петер герчлв. США-н делегацин селвг юридическ халхас болхла. ООН-а Уставла болн процедурин зокалмудла бүклдән сөрүцдж бәәнә, политическ халхас болхла тер, нарт делкән бәәдлгг нәрдүләд

чигн орхмн гидж Венгрин делегат лавлдж кель. Тер, Генеральн комитетиг, венгрин олн әмтнә сә хәәлгънә кергин төлә, ООН-а сә хәәлгънә болн нарт делкән бәәдлгг цааранднь ясруллгъна кергин төлә үүлдлгънүр болн США-н сурвриг хооран гаргьлгънур дуудв.

Венгрин Олн әмтнә Республикин элчиг Чехословакин, СССР-н болн Румыня делегатнр дөнънцхәв.

Советск делегацин толгъач В. В. Кузнецов, Генеральн Ассамблейин ода болджах сессийд халэгдх төрмүдүр «венгрин төр» гидж нерәдгддг төриг күчәр татдж авч ирхәр седлгънә өмнәс нег мөслгч бурушалгь кеджәхән герчлв. Эн төриг ООН-д күүнддж халәлгън — Венгрин дотрудундин керг-төрт модьрун кевәр орлцлгън болх зөвтә бәәсмн, эннь тигхлә, ООН-а Уставла мел иләр сөрүцджәнә, — гидж В. В. Кузнецов давтдж кель.

Бәәдлн. Деед үзгин йосна төртә улс, хамгин түрүн болдж. Соединенн Штатсур Н. С. Хрущевин тууджлч одлгъна болн президент Эйзенхауэрлә терүнә кесн күүндврмүдин ашд, государствс хоорндж бәәдлд әрүн үүлдвртә хүврлт болджахла төрүц әвцлшгогъяр седджәх бәәдлтә, — гидж В. В. Кузнецов цаарандан кель.

Венгрин төр гидж нерәдгддг төрәр күүндвр кехәр эк татсн улс, Генеральн Ассамблейин оньгиг, терүнд хагьлгдх зөвтә әркин төрмүд хагьлгънас дальтрулхар седәл. зерзевиг агслгънас цуг делгү болн

күцц гаргьлгъна туск төрәр, ядерн селм сөрлгъиг ууруллгъна, атом радиацин болн нань чигн кесг төрмүдин тускар нег дуугъяр шишдврмүд батлдж авлгъна әв-аргь учрасн, ни үүлдлгънә бәәдлд цүүгә болн дәәсрхлгь орулхар зүйткдәцхәнә, — гидж В. В. Кузнецов заав.

— Нарт делкән бәәдл цаарандан чикрлгънә төлә йоста гидгәр зүйткдәх улсин цугтаннь әрүн седклин кергнь — ООН-д «киитн дәәнә» хәрү өргдж давтлгън гарч ирлгъиг зогсалгън. цуг делгү төвкнүн бәәлгъиг дөнъндж, цаарандан батлгънд өркин чинр зүүджәх нарт делкән төрмүд хагьлгънас Генеральн Ассамблейиг зулгъдж дальтрулхар седлгънәс гетлгън болджана, — гидж В. В. Кузнецов товчлдж кель.

Генеральн Комитет дуудин ик зуугъяр, «Венгрин туск төриг» халэгдх төрмүдин тоод орултха гидж Генеральн Ассамблейд селвг өгв. СССР-н Румыня болн Чехословакин делегацис әс зөвшәрджәх ду өгцхәв. Мароккон болн Индонезин делегацис гаран өргхәсн тотхцхәв.

Гаран өргдж ду суньгъсна хөбн, Венгрин элч герчлгь кев, терүндән эн, ду суньгьлгъна ашин учрар гундл төрв. — Күчәр орулдж өгсн төрәр күүндвр келгън, зуг ясрджәх нарт делкән бәәдлд хорятан хальдахмн. Минь тедү дүнъяг кемджәнд венгрин олн әмтн чигн, киитн дәәнә керг-төрин төлә Венгрин шинәс олзлхар седдг цуг реакционн чидлмүдт бас чигн икәр дурго болцхәхмн, — гидж тер кель.